

# Šattus giitin

Rohkosbottu sáhtta doaimmahit sajis, gos šaddu ráddjojuvvo, ruovttus, girkus dahje eará heivvolaš sajis, omd. márkaniin. Rohkosbottu jodiha báhppa, searvegotti eará bargi dahje searvegotti lahttu.

Minstara materiála sáhtta geavahit maiddái ipmilbálvalusas, man fáddán lea ládju dahje šattu rádjan.

## 1. Sálbma

---

Sáhtta geavahit ovdamearkka dihte sálmma 410 dahje 442. Sálmma sajis sáhtta leat eará musihkka.

## 2. Álggahus

---

### Álgosivdnideapme

Buessivdnádusa lea vejolaš lohkat dahje lávlut (nuohtat, gč. s. 481).

**B/O** Áhči ja + Bártni ja Bassi Vuoiŋŋa nammii.

**S** Ámen.

**B/O** Min veahkki lea Hearrá,

**S** almmi ja eatnama sivdnideaddji.

**DAHJE**

**B/O** Hearrá lehkos dinguin.

**S** Nu son lehkos maiddái du vuoiŋŋain.

### Álggahansánit

Álggahansániid lea maiddái vejolaš ráhkadit ieš.

**B/O** Ráhkis ustibat. Olbmo ja oppa luondduriikka callin vuodduuvvá ollásit Ipmila sivdnidanbargui. Ipmila dáhtuhaga ja fámuhaga ii mihkkige šatta, ii giige vuoiŋŋa, ii ge oktage sivdnádus oaččo biepmu. Mii rámidit Ipmila šaddama ipmašis, eatnama šattus ja lájus. Mii váldit dan vuostái su skeaŋkan.

## DAHJE

**B/O** Ráhkis ustibat. Ipmila sátni lohpidá: "Mun attán didjiide buot šattuid mat dahket siepmaniid, nu ollu go ležžet oppa eatnama alde, ja buot muoraid maid šaddosiin leat siepmanat. Lehkuset dat didjiide biebmun" (1 Mos 1: 29). Dát lohpadus lea ollašuvvan, ja mii leat čoahkkanan giitit šattus. Mii bivdit Ipmila buressivdnádusa, vai sáhtášeimmet geavahit su attáldaga iežamet biebmun ja oktasaš buorrin.

## 3. Biibbalsálbma

---

Sáhhtá atnit maiddái girkojagi čuovvu dahje eará biibbalsálmmaid.

Sálmmaid sajis lea vejolaš lávlut sálmma.

Biibbalsálmma sáhhtá lávlut dahje lohkat. Dasa laktojuvvo Uhca gudni. Dan sajis sáhhtá atnit čuovvovaš sálmmaid vearssaid: 5:4, 66:3, 136:7, 218:7, 336:8, 340:8, 341:10, 348:6, 379:6. Uhca gudni guđđojuvvo eret fástoáigge 5. fástoáiggi sotnabeaivvi rájes.

Dutnje, Ipmil, lea riekta lávlut máidnuma Sionis

ja doallat daid lohpadusaid

maid mii attiimet dutnje,

dasgo don gulat rohkosiid.

Buot olbmot bohtet du lusa

Don válddát vára eatnamis ja attát dasa arvvi,

don dagat dan badjelmearálaš rikkisin.

Ipmila joga dievva lea čáhci,

don šaddadat gortniid.

Nu don anát eatnamis fuola.

Don láktadat muoldasálahagaid ja dásset jorgojuvvon eatnama,

don dipmadat eatnama arveovttiiguin ja buressivdnidat dan šattuid.

Don kruvnnidat jagi buriid attáldagaiguin,

du jorreluottain goaiku šattolašvuohta.

Meahcegiettit runiidit,

dievát gárvodit ávu.

Sávzacalut gárvvohit gittiid

ja leagit leat gortni dievva.

Olbmot ávvudit ja lávlot.

Sál 65: 2–3, 10–14

## DAHJE

Álbmogat rámidit du, Ipmil,

buot álbmogat rámidit du.

Eanan lea addán šattus.

Ipmil, min Ipmil buressivdnida min.

Ipmil buressivdnidivččii min,

ja ballos sus olles eanan.

Sál 67: 6–8

## DAHJE

Mu siellu, máinno Hearrá!

Stuoris leat don, Hearrá, Ipmilan.

Allatvuoda ja hearvásvuoda don leat gárvodan,

don čáñat čuovgasa sisa dego biktasa sisa.

Don divttát ádjagiid golggiidit legiin,

ja jogažin dat golget váriid gaskkas.

Dat addet čázi buot meahci spiriide,

meahceásenat čáskadit goikkuset.

Daid guoras áppet almmi lottit,

dat vizardit ovssiid gaskkas.

Don čáhccet váriid alla sálastat,

ja eanan gallehuvvo du daguid šaddosiin.

Don šaddadat suoinni omiide

ja šattuid olbmuid buorrin.

Nu don divttát biepmu boahtit eatnamis

ja viinni mii illudahtta olbmo váimmu.

Olju dahká su ámadaju báitin,

ja láibi áhpásmahtta su váimmu.

Dat buohkat vuorddašit du,

ahte don biepmašit daid rivttes áigái.

Don attát daidda, ja dat čogget,  
don rabastat giedat  
ja gallehat daid buriid attáldagaiguin.

Don čieгат ámadajot, ja dat suorganit,  
don válddát dain callinvuoijņanasa, ja dat jápmet  
ja šaddet fas muoldan.

Don vuolggahat Vuoiņņat, ja callin sivdniduvvo,  
don odasmahtát eatnama hámi.

Sál 104: 1–2, 10–15, 27–30

## DAHJE

Rámidehket Hearrá, dasgo son lea buorre,  
su árbmugasvuohta bistá agálaččat.

Nu celkoset sii geaid Hearrá lea lonistan,  
geaid son lea čoavdán headis.

Giitaset sii Hearrá su árbmugasvuodas,  
su oavdudaguin maid son lea dahkan olbmuide.

Son rievdada meahci jávrin  
ja goikeeatnama čáhceájan.

Dasa son diktá nealgu olbmuid ásaiduvvat,  
ja sii huksejit gávpoga gos ássat.

Sii gilvet bealdduid ja ráhkadit viidnegárddiid,  
sii čohkkejit valjis šattuid.

Son buressivdnida sin.

Sál 107: 1–2, 31, 35–38

## Uhca gudni

Gudni Áhččái ja Bárdnái  
ja Bassi Vuigņii,  
nugo lei álggus, dál lea ja álo  
agálašvuodas agálašvuhtii. Ámen.

## 4. Biibbalohkan

---

Lohkkojuvvo okta dahje moadde čuovvovaš čálabihtáin. Sáhtta atnit maddái girkojagi čuovvu dahje eará čálabihtáid.

Lohkki almmuha čálasaji..

5 Mos 8: 7–10

5 Mos 28: 1–6, 8

Joel 2: 21–24

2 Kor 9: 10–11

Son guhte addá gilváid gilvagiid, ja láibbi maid borrat, son addá didjiidege gilvagiid, diktá daid šaddat eatnatgeardásažžan ja dahká din vanhurskkisvuoda šattu stuorisin. Dii šaddabehtet juohke dáfus rikkisin vai attášeiddet árvasit, ja dát árvasvuoha duddjo giitalusaid Ipmilii go mii buktit skeaŋka

Luk 12: 15–21

Jesus celkkii:

”Váruhehket anistuvvamis máilmmálaš riggodagaide! Dasgo opmodat ii atte eallima, vaikko leažžáge vallji.”

Ja son muitalii sidjiide veardádusa: ”Lei muhtun rikkis olmmái gean eanan lei šaddan bures, ja son jurddašii: ’Maid mun dál dagan? Mus ii leat sadi rádjat buot šattuidan.’ Son dajai alccesis: ’Dán mun áiggun dahkat: Mun gaikkodan láduidan ja huksen daid stuoribun, ja dohko čohkken gortniidan ja buot eará opmodagaidan. De cealkkán alccesan: Dál don leat rádjan ollu buriid mángga jahká. Vuoinŋas, bora, juga, ja leage ilus!’ Muhto Ipmil celkkii sutnje: ’Don jalla! Otná ija gáibiduvvo dus heagga. Geasa gullá dat maid don leat čohkken?’

Nu geavvá sutnje gii čohkke dávviriid alccesis, ja geas ii leat riggodat Ipmila luhte.”

Jesus cealká:

”Allet moraš heakkadet dihtii ahte dis lea maid borrat, alletge rupmaša dihtii ahte leat biktasat. Heagga lea eanet go borramuš ja rumaš eanet go biktasat. Gehččet gáranasaid! Eai dat gilvve eaige láddje, ii dain leat áiti iige láhtu, muhto Ipmil biebmá daid. Man ollu eanet veara lehpēt dii go lottit! Guhtemušba dis sáhtá buot morrašiiddisguin lasihit ovttage állana eallinguhkkodahkasis? Go dii dalle ehpet veaje oppa dan uhcánaččage, manne de váivvidehpet iežadet buot eará dinggaiguin?

Gehččet liljáid, mo dat šaddet! Eai dat bargga eaige bane, muhto mun cealkkán didjiide: Ii oppa Salomoge buot hearvásvuodainis lean gárvvohuvvon nugo okta sis. Muhto juos Ipmil gárvvoha gietti rásiid nu čábbát, daid mat odne leat ceaggámin ja ihttín bálkestuvvojit oapmanii, iigo son ollu eanebut gárvvohivčče din, dii uhcán oskkolaččat! Allet jurddaš dušše mo fidnešeiddet borramuša ja juhkamuša, alletge bala. Dáid háhpohallet buot máilmmi álbmogat, muhto din Áhčči diehtá ahte dii dárbbashehpet dáid. Ohcet baicca su riikka, de buot dát addojuvvo didjiide.”

## 5. Vástáduš

---

Vástádussan sáhtá leat sálbma, lávlla dahje čuojanasmusihkka.

## 6. Sárdni

---

## 7. Sálbma

---

Sálmma sajis sáhtá leat eará musihkka.

## 8. Rohkosoassi

---

### Vuorrorohkos

Vuorrorohkosa sáhtá lohkat dahje lávlut. Nuohtta, gč. s. 482.

**B/O** Leage rámiduvvon don, Hearrá, Ipmileamet!

**S** Du lea buot, mii lea almmis ja eatnan alde.

**B/O** Hearrá namma lehkos máidnojuvvon dálážis gitta agálaš áigái!

**S** Lehkos Hearrá namma máidnojuvvon.

## Buessivdnidanrohkos

Sáhtta atnit maiddá iešráhkaduvvon rohkosa. Oassálastit sáhttet ovttas ráhkadit ja ollašuttit rohkosa.

### Buessivdnideapme

[**B/O** Buotveagalaš Ipmil ja Áhčči, don leat addán olbmuide bargun gilvit, láddjet ja várjalit luondduriikkat. Mii giitit du sivdnidanbarggu attáldagas, man mii leat dus ožžon ja mii lea addán midjiide mánggalágan šattu. Buessivdnidehkos golbmaoktalaš Ipmil, Áhčči ja (+) Bárdni ja Bassi Vuoigŋa, dán šattu min biebmun, eallimeamet fápmun ja illun.]

### Rohkos

**B/O** Rohkadallot.

1. Ipmil, Sivdnideaddjámet.  
Du veagas mii callit.  
Don rabat giedaidat  
ja buorre vuodastat attát midjiide juohkebeaivválaš láibámet.  
Veahket min maiddá juogadit valljámet earáiguin.  
Ipmil, Áhččámet,  
don leat addán midjiide barggu ja vuoigŋasteame.  
Veahket min barggu maŋŋá bisánit  
ja vuoigŋastit giitevaš mielain.  
Dutnje lehkos giittus ja rámadus  
dál, álo ja agálaččat.

2. Buorre Ipmil, váibmoládis Áhčči.  
Mii giitit du das,  
ahte don leat buressivdnidan min barggu ja juohke  
beaivválaš láibámet.  
Oahpat min doaibmat nu,  
ahte oppa eallimeamet guottášii  
dutnje mielamiel šattu.  
Gula min Jesusa Kristusa,  
Bártnát dihtii,  
guhte duinna ja Bassi Vuoiŋŋain  
eallá ja rádde agálaččat.
3. Ipmil, Sivdnideaddjámet.  
Don it váibba addimis buriid skeaŋkkaid.  
Don deavddát juohkeovtta elolačča áibbašumi,  
dus mii oažžut visot, maid mii dárbbášit.  
Mii giitit du dán jagi šattus.  
Divtte maiddái ráhkisvuoda ja buorrevuoda láddat mis.  
Veahket min suodjalit luonddu,  
nu ahte eana šaddadivččii dás duohkoge buori šattu.  
Deavdde min ráhkisvuodainat  
ja divtte dan biebmat oktasaš eallimeamet.  
Dán mii bivdit Jesusa Kristusa,  
Hearrámet namas.
4. Imašlaččat leat du dagut, Hearrá.  
Mii máidnut du luonddu riggodagas,  
šattu, muorain ja calliin.  
Mii giitit muoraid šattu,  
maid mii oažžut borrat,  
ja murjiin, maid mii oaččuimet vássán geasige  
vurket dálvvi várás.  
Mii giitit gornis, ruonas- ja ruohtasšattu,  
maid don addet min biebmun.



Divtte čavčča šerres ivnniid  
sárdnidit midjiide du árpmu riggodagas.  
Rámádus dutnje agálaččat.

**S** Ámen.

## Áhččámet

Hearrá rohkos celkojuvvo ovttá jitnii.

**S** Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddáí eatnama alde.

Atte midjiide odne min beaivválaš láibbi.

Ja atte midjiide min sudduid ándagassii,

nugo miige ándagassii addit velggolaččaidasamet.

Alege doalvvo min geahččalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Ámen.

## 9. Giittossálbma

---

Sáhtá atnit ovdamearkka dihte sálmma 442 dahje 443.

## 10. Buressivdnádus

---

**B/O** Buressivdnidehkos min buotveagalaš ja árbmugas Ipmil,  
Áhčči ja (+) Bárdni ja Bassi Vuoignja.

**S** Ámen.

## DAHJE

**B/O** Hearrá buressivdnidivččii din ja várjalivččii din.

Hearrá čuvgešii muođuidis didjiide

ja livččii didjiide árbmugas.

Hearrá jorgalivččii muođuidis din beallái

ja attášii didjiide ráfi.

Áhči ja + Bártni ja Bassi Vuoiŋŋa nammii.

**S** Ámen.

## 11. Loahpahanmusihkka

---

Loahpahanmusihkkan sáhtá leat sálbma, lávlla dahje čuojanasmusihkka.